

SAOPŠTENJE ZA JAVNOST

Predmet:

Obustava tehnološkog procesa proizvodnje u „Koksara d.o.o. Lukavac“ u stečaju

Obavještavaju se građani da će se u toku predstojeće sedmice u „Koksara d.o.o. Lukavac“ u stečaju provoditi neophodne aktivnosti na postepenom smanjenju proizvodnje, koje vode ka potpunoj obustavi tehnološkog procesa proizvodnje koksa.

Isključivanje postrojenja planirano je kao kontrolisano smanjenje kapaciteta do konačnog zaustavljanja svih proizvodnih postrojenja. Efekti koji se očekuju tokom ovog procesa slični su onima koji su se prethodnih godina dešavali usljed iznenadnih kvarova ili prekida u napajanju električnom energijom, kada je dolazilo do pojave vatre i povećanog intenziteta izdvajanja gasova na koksnoj peći.

S obzirom na to da se radi o **najavljenom i nadziranom prestanku rada**, stručni timovi provode preventivne mjere kojim se minimiziraju rizici i štetni uticaji na okolinu. Ovakav pristup omogućava značajnu kontrolu nad procesom, čime se osigurava da emisije u zrak budu svedene na najmanju moguću mjeru. Međutim mora se imati u vidu da se radi o zahtjevnom procesu pri kome se ne mogu potpuno isključiti neželjene posljedice.

U toku obustave procesa tehnološkog procesa proizvodnje koksa vršit će se kontinuirani monitoring gasa i mjerenja na 5 kritičnih lokacija, kako bi se pravovremeno utvrdili eventualni rizici po radnike i okolinu.

Na osnovu stručne procjene kadrova „Koksara d.o.o. Lukavac“ u stečaju i zaključaka Štaba Civilne zaštite Grada Lukavca, donesen je niz mjera prevencije i predostrožnosti, među kojima izdvajamo:

- U ponedjeljak, **23. 02. 2026. godine**, u periodu od **09:00 do 24:00 sata**, moguće je da dođe do povremene i privremene obustave saobraćaja kroz naselje Koksara, kako bi se osigurale trase za neometan saobraćaj servisnih vozila, vatrogasaca, službe hitne pomoći i slično.
- Za potrebe građana naselja Hrvati uvodi se privremena autobuska linija na reelaciji od raskrsnice u naselju Hrvati između benzinske pumpe "Sultan" i pogrebnog preduzeća "Cindra" u Lukavcu. O vremenima polazaka građani će biti informisani putem medija i preko MZ Hrvati.
- Mole se stanovnici naselja i poslovni subjekti u neposrednom okruženju koja direktno graniče s fabrikom „Koksara d.o.o. Lukavac“ u stečaju da u navedenom terminu (ponedjeljak, 23.02.2026.) maksimalno smanje vožnju po navedenoj dionici puta, kao i kretanje duž puta i boravak na otvorenom prostoru, sa posebnim fokusom na period intenzivnih radova od **09:00 do 16:00 sati**.
- U ponedjeljak 23.02.2026. godine Gradski štab Civilne zaštite će sa svojim resursima, a za koje je stečajna uprava Koksare iskazala potrebu asistencije, biti u reonu izvođenja radova i na dispoziciji građanima.
- Stečajna uprava Koksare će biti odgovorna za komuniciranje sa medijima, te molimo lica i redakcije koje prikupljaju informacije da zvanične podatke isključivo traže putem Stečajne uprave Koksara.
- Procesom rukovode odgovorna tehnička lica Koksare u stečaju, te sve odluke po pitanju angažmana resursa, promjene režima i sličnih pitanja donosi tehnički odgovorno lice.

- Ukazujemo na nužnu koordinaciju sa rukovodiocem svih koji smatraju da imaju značajne informacije ili mišljenja o odlukama i postupcima koje je potrebno poduzeti.

Cilj mjera je osiguranje maksimalne sigurnosti građana i neometano provođenje tehničkih operacija.

Zahvaljujemo se građanima na razumijevanju i saradnji!

„Koksara d.o.o. Lukavac“ u stečaju